

og Fiskarlagets Servicekontor AS, avd. Vest

Bergen, 23.06.20

Vår ref: 2020/727
Sakshandsamar: Eirin Kongestøl Espeland

Dykkar ref.: 2020/37710-2

Bergen og Omland Farvannsforvaltning IKS
v/ Hanne Gunnarskog

Alver – utlegging av sjøkablar

Viser til brev av 15.06.20, med vedlegg, frå Bergen og Omland Farvannsforvaltning IKS om ovannemnde sak.

Fiskarlaget Vest har sendt saka til Nordhordland Fiskarlag.

Generelle merknader

Fiskarane opplever ein stadig større konkurranse om areala, særlig i kystsona. Ein vil peike på at fiskarane i utgangspunktet er positivt innstilt til anna næring og aktivitet, men fiskeri og andre næringar har eit heilt ulikt forhold til bruk av sjøareal. Andre næringar har behov for nye/større sjøområde, medan fiskerinæringa er avhengig av å ta vare på viktige eksisterande fiske-, gyte- og oppvekstområde. Eksempel på konfliktområde er; oppdrett (areal og utslepp av spillfôr/feces/lusemidlar), vindmøller til sjøs, reguleringsplanar ut i sjø (friluftsområde i sjø, flytebyggjer, m.m.), ankring, avlaups-/vassleidningar, kablar, fritidsinteresser (båttrafikk, fritidsfiske).

Mange meiner at eitt lite enkelt prosjekt ikkje kan skade, men mange nok slike så avgrensar ein tilgjengeleg areal for fiske bit for bit. Det er viktig at tilhøva blir lagt til rette slik at norske fiskarar fortsatt kan skape verdiar av fiske for spesielt kystsamfunna våre. «Sjøvern» er like viktig for fiskerinæringa, som «jordvern» for jordbruk.

Alver

Det er her søkt om utlegging av sjøkablar fleire stadar i Alver kommune.

Ein viser til Fiskeridirektoratet sitt kartverktøy kor det er registrert gyteområde, kaste-/låssettingsplassar og område for passive reiskap i fleire av sjøkabelstrekningane. Det blir òg fiska i område som ikkje er registrert. Ein har t.d. «nye» fiskeri som leppefiske og fiske etter sjøkreps.

For å redusere bandlagt areal i sjø ber ein om at ein vurderer mogleiken for å leggje kablar på land. Kablar som må leggjast i sjø må leggjast tett opp til eksisterande kabeltraséar, der det er mogleg. I tillegg må det unngåast å leggje sjøkablar i kaste-/låssettingsplassar då ein er avhengig av å kunne leggje opp til fleire anker i desse områda. Det kan difor ikkje vere ankringsforbod i desse områda.

Då det er registrert gyteområde for mellom anna torsk i store delar av strekninga, må utlegginga skje utanfor gyteperioden om våren (februar – mai).

Ein føreset at kabelane blir lagt utan heng og at dei blir registrert på sjøkartet. Fiskarane fråskriv seg alt ansvar om ein under fiske ved ei uhell skulle setje fast reiskap i kabelen. Det må ikkje bli ankringsforbod i kabeltraséen.

Ein vil til slutt gjere merksam på at fiskerinæringa er basert på fornybar biologisk produksjon, og er difor avhengig av eit reint og produktivt kyst- og havmiljø mest mogeleg fritt for miljøgifter, framandstoff og legemiddel. Ein har eit stort felles ansvar, både nasjonalt og internasjonalt, for å oppretthalde eit reint og produktivt hav. Det er avgjerande for kvalitet, omdøme og marknadsverdi for norsk sjømat. Det er viktig å førebyggje då det ofte er vanskeleg og dyrt å rydde opp i ettertid.

Med helsing
Fiskarlaget Vest

Britt Sæle Instebo
Dagleg leiar

Eirin Kongestøl Espeland
Rådgjevar

Kopi: Nordhordland Fiskarlag
Alver kommune
Fiskeridirektoratet region Vest
Fylkesmannen i Vestland